



ALTZOKO UDALA

Tel. 65 24 13 — Fax: 65 09 55

20268 ALTZO (Gipuzkoa)

GAOn 2002an argitaratua

TXAKURRAK ERABILI ETA ZAINTEKO UDAL ORDENANTZA

I. IDAZPURUA

XEDEA ETA EZARPEN EREMUA

1. artikulua.

Txakurrak, erabiltzeko, eta zaintzeko arauak ezartzea da ordenantza honen xedea.

Bertan, arau haustek eta santzioak sailkatzen dira eta santzioak gauzatzeko jardunbidea ezartzen da.

2. artikulua.

Ordenantza honek Altzoko udalerrri osoa arautzen du.

II. IDAZPURUA

TXAKURRAK

3. artikulua.

Ezin da txakurrik sartu jolastoki, lorategi, kirol instalakuntza eta establezimendu publikoetan.

Ezta ere ezin da txakurrik sartu besteen lur sailtan eta oraindik gutxiago bertan ganadu, ardi, oilo edo bestelako etxabererik aurkitzen bada.

4. artikulua.

Udal zerbitzu teknikoek txakurrek sortutako eragozpenen berri emango diote Udalari, beren kasa, zein norbaitek salaketa bat jarrita.

5. artikulua.

Txakurra bazterrera ezingo da utzi. Txakurra nahi ez duenak jabe bat bilatu beharko dio, edo bestela animaliak babesteko elkarte bati eman.

6. artikulua.



ALTZOKO UDALA

Tel. 65 24 13 — Fax: 65 09 55

20268 ALTZO (Gipuzkoa)

1. Itsu bati laguntzen dion txakurra jendearentzako toki, ostatu, denda, lokal eta garraiobideetan sartu ahal izango da.

2. Agintaritzaren mandatari batek edo lokalaren arduradunak eskatzen badio, itsuak txakurra gida-txakurra dela eta osasun baldintzak betetzen dituela egiaztatu beharko du.

3. Itsu txakurra gaixo, erasokor, zikin edo arriskutsua delako susmoa badago, ezin izango da lehenengo zenbakian adierazitako lekuetan sartu.

7. artikulua.

Hozka egiteagatik, txakurraren jabeak derrigorrezko betebeharra izango du, txakurra al baitariarengana eramatea eta gaixotasunik ez duela egiaztatzea. Aldi berean, txakurraren jabeak, hozka jasan duena medikuarengana eraman beharko du sortutako kalteak hala eskatzen badu.

8. artikulua.

1. Herri bideetan eta jendearentzako gainontzeko ibiltokietan, txakurrek soka eta lepoko bat eraman beharko dute. Hau bete beharrik ez dute izango artzain txakurrek bere lanean ari direnean.

Bere izaera eta itxuraren arabera arriskutsuak gerta litezkeen txakurrak muturrekoarekin ibiliko dira. Modu berean muturrekoa eraman beharko dute inoiz inori hozka egin dioten txakurrek.

2. Txakurra daramana gai izan behar da, txakurraren indar eta pisuaren arabera, edozein gertakizun dela eta txakurrak har dezaken jarrerari erantzuteko eta eusteko.

9. artikulua.

Txakurren hondakinak isuri ezinezkoak dira leku publikoetan. Txakurren jabearen egitekoa da hondakinak jaso eta modu egokienean desagertaraztea.

10. artikulua.

Aurreko artikuluan jasotakoa bete ezean, animalia daramanak edo, bere ordeztan, jabeak izango du erantzukizuna.

III. IDAZPURUA

ZIGOR ARAUAK

1. ATALBURUA. ARAU HAUSTEAK



ALTZOKO UDALA

Tel. 65 24 13 — Fax: 65 09 55

20268 ALTZO (Gipuzkoa)

11. artikulua.

Ordenantza honen ondorioetarako, arau haustek arinak, larriak eta oso larriak izango dira, Eusko Legebiltzarrak urriaren 29ko 6/1993 Legeko sailkapenarekin bat, haustearen larritasuna neurtzeko hauek izango dira aintzat hartu beharrekoak: Pertsonen osasun eta segurtasunerako arriskua, axolagabekeria, kaltearen larria eta behin baino gehiagotan kalte egin izana.

12. artikulua.

Hauek dira arau hauste arinak.

a) 5 eta 9. artikuluetan jasotakoak.

13. artikulua.

Hona hemen arau hauste larriak:

3, 7 eta 8. artikuluan jasotakoa.

15. artikulua.

Hona hemen arau hauste oso larriak:

3, 5, 7, 8 eta 9 artikulua bigarrenengo aldiz haustea.

Ordenantza honetan arautzen diren gaietan egindako hutsek honako santzio hauek izango dituzte:

2. ATALBURUA. SANTZIOAK

15. artikulua.

1. Eusko Legebiltzarrak urriaren 29an emandako 6/1993 Legeko sailkapenarekin bat etorriz, ordenantza honetan egindako hutsengatik 30,05 €tik 15.025,30 € arteko isuna ordaindu beharko da:

a) Arau hauste arinak, 30,05 €tik 300,51 € arte.

b) Arau hauste larriak, 300,51 €tik 1.502,53 € arte.

c) Oso arau hauste larriak, 1.502,53 €tik 15.025,30 € arte.



ALTZOKO UDALA

Tel. 65 24 13 — Fax: 65 09 55

20268 ALTZO (Gipuzkoa)

2. Ordenantza honetako santzioen zenbatekoak urtero aldatuko dira, berez eta besterik gabe, kontsumorako prezioen indizearen arabera, aurreko urteko santzioen zenbatekoak oinarri hartuta.

3. ATALBURUA. SANTZIO JARDUNBIDEA

16. artikulua.

Santzio jardunbideari dagokionez, Eusko Legebiltzarrak 1993ko urriaren 29an emandako 6/1993 Legeak xedatutakoa beteko du Udalak.

XEDAPEN IRAGANKORRA

1. Udal Sanitateak ordenantza honetan xedatutakoari buruzko aholkua eskatu ahal izango die profesionalen erakundeei zein animaliak babesteko elkarteei.

2. Ordenantza honetan jasotzen ez diren kasuetarako, Eusko Legebiltzarrak 1993ko urriaren 29an emandako 6/1993 Legeak, Animaliak Babesteari buruzkoak, xedatutakoari jarraituko zaio.

AMAIERAKO XEDAPENA

Ordenantza honek Udaltzaren behin-betiko onespina emateko hartutako erabakia Gipuzkoako Aldizkari Ofizialean agertu eta biharamunean hartuko du indarra.

ORDENANTZAREN OINARRI DIREN LEGE-ARAUAK

a) Apirilaren 24ko 1.119/75 Dekretua, zoologi gune, zaldiketa egiteko establezimendu eta animaliak sustatu eta zaintzeko zentroyen baimenei eta erregistroei buruzkoa. 128. *Estatuko Aldizkari Ofiziala*, 1975-05-29koa.

b) 1976ko ekainaren 14ko Agindua, gizakiarekin bizi diren txakur eta katuentzako osasun eta garbitasun arauak ematen dituena.

168. *Estatuko Aldizkari Ofiziala*, 1976-07-14koa.

c) Nekazaritza Ministerioak 1980-07-28an emandako Agindua, zoologi gunea, zaldiketa egiteko establezimendu eta animaliak sustatu eta zaintzeko zentroyen baimenei eta erregistroei buruzkoa. 219. *Estatuko Aldizkari Ofiziala*, 1980-09-11koa.

d) Apirilaren 2ko 7/1985 Legea, Toki Ihardunbidearen Oinarriak arautzen dituena.»

Altzon, 2002ko apirilaren 30ean.